

tam loco citato apud nos crescentem exactissime refert, quæ folia gerit omnia linearia, graminea, dum lato-lanceolata extus, intusque angustiora sunt in humili.

Præterea *S. humilis* L. in pascuis siccis, et locis submontanis, ut Piossasco, Caselette, similibusque locis aridis, calidioribusque reperitur, dum austriaca alpestribus pratis delectatur.

Delendum etiam HALLERI synonymon, ac ad humilem transferendum, ut mihi constitit utrasque plantas, earumque descriptiones comparando.

SCORZONERA muricata, N.

*S.* foliis pinnatifidis, linearibus, asperis; caule muricato, pedunculis superne lævibus.

Prope Tendam. Biennis.

*Descr.* Caulis ramosus, strictus, sulcatus, ad angulos muricatus. Folia e radice simplicia, petiolata, linearia, caulina pinnatifida, folio impari lineari longissimo; pedunculorum folia linearia, omnia usque ad summitatem hispida. Pedunculi in juniore planta omnino læves, in adulta vero hispidi quoque evadunt. Ceteræ partes, ut in *S. laciniata*.

*Obs.* Anceps diu hæsi, utrum hanc ut distinctam speciem proponerem; ast quum Scorzonerae cujusdam semina sub hispidæ nomine a strenuo viro et Collega Ludovico BELLARDI acceperim, quæ telluri commissa nostræ similem plantam omnino præbuere; ipsaque a tribus annis excolta nunquam habitum



*mutaverit suum, hinc credidi posse pro nova et distincta specie proponere. Eamdem plantam sub hispidae nomine recenset in catalogo Horti Florentini Cl. ZUCCAGNI, a quo probabiliter D. BELLARDI semina habuit.*

*APARGIA tuberosa, W.*

Synonima omnia, tum etiam hujusce plantæ descriptio a D. WILDENOW tradita ad *Hieracium bulbosum* ejusdem auctoris transferantur, ut cuilibet utrasque plantas observanti patebit. Siquidem *A. tuberosa* W. non tubera, sed veros gerit bulbos, calycem hirtum, pappum stipitatum, dum altera, quæ sub nomine *Hieracii bulbosi* exhibetur, tubribus instructa est, folia habet tantum subdentata, glabra, non runcinata, calycem glabrum, pappumque sessilem. Atque ad vitandas omnes ambiguitates, legantur quæ ad *Apargiam bulbosam*, et *Hieracium tuberosum* relata sunt.

*APARGIA bulbosa, N.*

*A.* scapo unifloro nudo, glabriusculo, calycinis squamis acutis hirtis, foliis obovato-runcinatis hirtis, scabris, pilis furcatis radice (*bulbosa, N.*).

*PICRIS tuberosa, All. 1, N.º 763.*

*Chondrilla altera Dioscoridis monspeliensium. Lob. ic. 232.*

In pascuis Nicænsibus.

*APARGIA crispa, W.*

*Leontodon crispum. Vill. Balb. addit. p. 94.*